

Para acadar isto realizaranse as seguintes accións:

Accións para a consecución de “vertido cero” en vertedoiros non autorizados en 2011 (a través do proxecto solos contaminados).

Accións para aumentar as porcentaxes de valorización material total de FORM, papel e cartón, vidro, envases e outros residuos: a través do proxecto de mellora da xestión dos residuos domésticos e industriais, coa estimación de que se crearán 13 novas plantas de transferencia e/ou tratamento, cunha superficie recuperada e/ou rehabilitada de 0,26 Ha e a través do Plan de Xestión de Residuos Urbanos de Galicia 2010-2020.

Desenvolvemento de proxectos sectoriais de reciclaxe de materiais ou de recuperación medioambiental.

III.4.2. OE 2: Desenvolvemento equilibrado e sostible do territorio eliminando as disparidades territoriais e integrando a Galicia como cidade única

O desenvolvemento adecuado do territorio permitirá considerar Galicia como unha cidade única, o que impulsará novas oportunidades de benestar e sustentabilidade na sociedade galega.

Impulsarase unha Galicia descentralizada, entendendo os valores propios e diferenciados de cada un dos espazos, e potenciando as súas vantaxes e riqueza a través de numerosas actuacións sectoriais, viarias, industriais, parcelarias, enerxéticas, comunicacións, de apoio á Administración local, etc., dotando a cada territorio de auténticas posibilidades de aproveitamento dos seus potenciais internos.

Este obxectivo estratéxico representa o 60,1% do Eixe 4, e o 2,9% sobre o total do PEG, cun importe de 258,7 millóns de euros, no que a medida de maior importe é a M05 “Reforzo e colaboración coas administracións locais, para facilitarlles a mellora da atención aos cidadáns e iniciar novas formas de cooperación e gobernanza” (co 48,8% do obxectivo, e o 1,4% do PEG).

Este obxectivo desenvolverase a través de proxectos encadrados nos programas de gasto:

Programas de Gasto	Importe
141A ADMINISTRACIÓN LOCAL	11.075.881
451A FOMENTO DA REHABILITACIÓN E DA CALIDADE DA VIVENDA	24.929.932
521A URBANISMO	25.765.063
551A INFRAESTRUTURAS E EQUIPAMENTOS NO MEDIO RURAL	35.395.804
712A FIXACIÓN DE POBOACIÓN NO MEDIO RURAL	39.623.799
811B TRANSF. A ENTIDADES LOCAIS POR PARTICIPACIÓN NOS INGRESOS DA C.A.	116.588.659
811C OUTROS SOPORTES FINANCEIROS ÁS ENTIDADES LOCAIS	5.355.000

Os responsables de levar a cabo as actuacións encamiñadas a lograr este obxectivo son:

Xestores do PEG
05-CONSELLERÍA DE PRESIDENCIA, A.P E XUST.
03-D.X. DE ADMINISTRACIÓN LOCAL
07-CONSELLERÍA DE MEDIO AMB., TERR. E INFR.
01-SECRETARÍA XERAL TECNICA
02-S.X. DE ORDENACIÓN DO TERRITORIO E URB.
05-D.X. DE SOSTIBILIDADE E PAISAXE
201- INSTITUTO GALEGA DA VIVENDA E SOLO
13-CONSELLERÍA DO MEDIO RURAL
03-D.X DE DESENVOLVEMENTO RURAL
408-AXE. GALEGA DE DESENVOLVEMENTO RURAL
21- FACENDA - TRANSFERENCIAS A CORPORACIÓNS LOCAIS
23-GASTOS DE DIVERSAS CONSELLERÍAS

As medidas do Plan Estratégico de Galicia que se van a realizar no ano 2012 son:

E4: Sustentabilidade Medioambiental e Equilibrio Territorial.	Importe	%
<i>OE02 Desenvolvemento equilibrado e sustentable do territorio eliminando as disparidades territoriais e integrando a Galicia como cidade única</i>	258.734.138	
M01 Creación e desenvolvemento da paisaxe e das áreas urbáns xeradoras de mellores servizos, máis eficientes e integradoras territorialmente	4.319.881	1,7 %
M02 Fixación da poboación e a súa distribución máis eficiente, diminuíndo a súa dispersión	19.550.046	7,6 %
M03 Diversificación de actuacións económicas nas zonas interiores de Galicia, establecendo mecanismos de discriminación positiva a favor das zonas desfavorecidas, na liña dos Plans Impulsa Lugo, Impulsa Ourense e Ferrolterra e Comarca de Ortegá	26.399.778	10,2 %
M04 Establecemento dun novo esquema de gobernanza cos concellos, introducindo fórmulas de cooperación co fin de prestar servizos máis eficientes e sustentables	5.716.084	2,2 %
M05 Reforzo e colaboración coas administracións locais, para facilitarles a mellora da atención aos cidadáns e iniciar novas formas de cooperación e gobernanza	126.314.904	48,8 %
M07 Promover a calidade da vivenda e da rehabilitación	21.634.932	8,4 %
M08 Posta en valor do Plan HURBE en colaboración coas entidades locais da comunidade autónoma	13.185.520	5,1 %
M09 Creación do Sistema de Información Xeográfico e Corporativo da Xunta de Galicia	927.004	0,4 %
M99 Soporte xeral - Desenvolvemento equilibrado e sustentable do territorio eliminando as disparidades territoriais e integrando a Galicia como cidade única	40.685.989	15,7 %

As Fontes de financiamento do orzamento deste Obxectivo estratéxico son:

Fontes de financiamento	Importe	%
Orzamentos xerais da C.A.	203.989.810	78,84%
FCI	3.092.167	1,20%
FEDER	4.903.100	1,90%
Orzamentos xerais do Estado	21.569.802	8,34%
FEADER	24.668.300	9,53%
INTERREG	443.436	0,17%
OUTRAS INICIATIVAS	67.523	0,03%

Para a creación e desenvolvemento da paisaxe e das áreas urbanas realizaranse accións de investigación en materia de urbanismo e ordenación do territorio, accións que permitan racionalizar o crecemento residencial urbano e dos núcleos rurais e elaboraranse directrices e instrumentos para a ordenación do territorio.

O obxectivo desta medida céntrase na programación, dirección e control da política de ordenación do territorio e do litoral e na protección, xestión e ordenación da paisaxe de Galicia. O que supón a materialización e posta en práctica da política territorial e de utilización racional do solo, coa finalidade de favorecer o desenvolvemento equilibrado

e sustentable do territorio; contribuír a elevar a calidade de vida e a cohesión social da poboación e protexer e potenciar o patrimonio natural e cultural.

Debido ao obrigado cumprimento da ordenación do territorio e da planificación urbana, podemos destacar que máis do 80% dos concellos de Galicia están redactando o seu planeamento municipal e, de feito, están comprometidas axudas económicas á práctica totalidade das entidades municipais, para o cumprimento do obxectivo de que o planeamento acade a todo o territorio da Comunidade Autónoma, o que se pretende para o horizonte de 2015-2016.

Estas actuacións levaranse a cabo a través dos seguintes proxectos: unha liña de axudas económicas e de asesoramento técnico para a redacción do planeamento urbanístico, coa finalidade de facilitar a elaboración e tramitación dos plans de ordenación municipal, que se veñen realizando dende hai varios anos, a estimación para o ano 2012 será de 187 Plans de Ordenación Urbanística Municipal aprobados (POUM); unha liña de axudas públicas destinadas aos concellos para a redacción do planeamento urbanístico cunha previsión de que se aprobarán 25 POUM; realizaranse tamén proxectos destinados ao investimento inmaterial na investigación e divulgación de estudos en materia de urbanismo; e en canto á elaboración das directrices e instrumentos para a ordenación do territorio iniciárase un proxecto de fomento da ordenación do territorio e a protección da paisaxe coa realización de 2 actuacións de estudo, difusión e promoción.

O desenvolvemento do plan HURBE lévase a cabo mediante accións para o financiamento de infraestruturas municipais básicas.

A posta en valor do plan HURBE supón a realización de actuacións de mellora de contornos urbanos, de accesibilidade e supresión de barreiras arquitectónicas e de equipamentos públicos que teñan por finalidade a revitalización do territorio e do reequilibrio territorial.

Realizaranse unha serie de actuacións en zonas de especial valor en espazos de relación pública, co fin de contribuír ao desenvolvemento local desas zonas e poñer a disposición dos seus habitantes os valores de ditos espazos. Trátase de preservar, conservar e/ou transformar, determinados espazos urbanos, a través de medidas puntuais e específicas para cada zona, para a creación de riqueza e, contribuír a unha maior calidade de vida dos seus cidadáns. As actuacións realizaranse coa colaboración dos concellos, mediante o desenvolvemento dos programas de equipamentos públicos, de humanización de rúas e de urbanización e mellora de espazos públicos, para dar cobertura ás necesidades da cidadanía.

O obxectivo do plan é que o 40% dos concellos de Galicia sexan beneficiarios dunha axuda ata o ano 2014.

Como obra nova en materia de urbanismo se prevé que para o ano 2012 realizaran-

se proxectos de rexeneración urbana en 8 concellos de Galicia.

As actuacións para financiar as infraestruturas municipais realizaranse mediante unha liña de axudas a concellos para actuacións en entornos urbanos, e unha liña de axudas de obra nova en materia de urbanismo (coa previsión de 8 novos proxectos de rexeneración urbana); así mesmo continuarase co proxecto do centro cultural do Auditorio de Lugo.

O Sistema de Información Xeográfico e Corporativo da Xunta de Galicia créase para a elaboración dunha cartografía SIX escala mínima 1:5000 de toda Galicia. O obxectivo do programa consiste na elaboración, mantemento e actualización da información xeográfica e cartográfica necesaria para o desenvolvemento de estudos territoriais. En este senso o que se pretende é:

Continuar coa execución do proxecto de actualización da ortofotografía aérea de Galicia, dentro do Plan Nacional de Ortofotografía Aérea.

Obter información de planeamento urbanístico: mellora e actualización do sistema de información urbanística de Galicia para que a poboación en xeral dispoña da situación actual do planeamento urbanístico dos concellos.

Desenvolvemento do SIX corporativo: desenvolvemento dos instrumentos que fan viable a xestión da información xeográfica e territorial da Xunta de Galicia e facer que a información sexa pública para a poboación.

Continuarase co proxecto de coordinación e información territorial, cunha aplicación desenvolvida que dará lugar á consecución de 1.600.000 Has cartografiadas.

Para acadar a fixación da poboación, de tal maneira que a súa distribución sexa máis eficiente e así poder diminuír a súa dispersión, porase en marcha a execución dunha serie de estratexias de desenvolvemento local realizadas polos Grupos de desenvolvemento rural, mellorando as infraestruturas e servizos básicos da poboación que vive no medio rural.

Trátase de mellorar a calidade de vida no medio rural, evitando así o despoboamento do territorio, para o que se investirá na implantación ou mellora de dotacións, equipamentos, infraestruturas e servizos básicos para a economía e a poboación rural, incluída a mellora das comunicacións terrestres e telemáticas. Para apoiar as iniciativas de desenvolvemento rural continuarase co desenvolvemento do Programa de Desenvolvemento Rural de Galicia 2007-2013 mediante a convocatoria de axudas a proxectos a desenvolver nas áreas rurais de Galicia.

Para acadar estas actuacións durante o 2012 desenvolveranse programas locais de desenvolvemento rural e proxectos destinados a implantar e mellorar os servizos básicos para a economía e a poboación rural, así como para incluír novas instalacións e novos retos en enerxías renovables coa posta en marcha de 187 novos proxectos de desenvol-

vemento rural.

O propósito de diversificar as actuacións económicas nas zonas interiores de Galicia mediante mecanismos de discriminación positiva a favor das zonas desfavorecidas ten como obxectivos: potenciar un desenvolvemento económico sostible e un desenvolvemento territorial cohesionado, a través do fomento da creación e consolidación de actividades económicas sustentables no medio rural; contribuír á mellora da calidade de vida dos habitantes do rural, a través de investimentos na creación e consolidación de dotacións, equipamentos, infraestruturas e servizos básicos; e articular a planificación e coordinación de investimentos no rural e potenciar as sinerxías, a través de estratexias locais de desenvolvemento.

Para acadar estes obxectivos levaranse a cabo actuacións de contribución á valorización do medio rural, actuacións de reordenación das estruturas agrarias mediante procesos de concentración parcelaria e impulsaranse os proxectos dinamizadores das áreas rurais de Galicia, diversificando as actividades económicas sustentables.

Os obxectivos están dirixidos, por un lado, á poboación do rural, procurando corrixir deficiencias de infraestruturas básicas e dotándolles de servizos públicos de calidade, e por outro lado, ás explotacións agrogandeiras, redimensionando a súa estrutura da base territorial e mellorando as estruturas agrarias (mediante a concentración parcelaria, mellora de accesos ás explotacións, posta en cultivo de terras improdutivas, etc), así como, investindo na mellora e consolidación dos regadíos existentes.

Como proxectos destacados para o ano 2012 cabe sinalar:

En canto as accións para contribuír á valorización do medio rural calcúlanse que se iniciarán uns 70 proxectos de desenvolvemento rural.

Dentro do programa de mellora e reordenación das estruturas agrarias cabe diferenciar diversas actuacións: proxectos destinados a obra nova a levar a cabo en explotacións agrícolas co obxectivo de poder beneficiar a 11.000 explotacións agrícolas, proxectos destinados á mellora de estruturas agrarias que afectarán a unha superficie de 15.500 Ha, con actuacións de mellora das súas infraestruturas en 45 zonas de concentración parcelaria; proxectos dinamizadores do medio rural coa realización de 125 actuacións de dinamización territorial e mediante o Premio AGADER ás iniciativas de desenvolvemento rural dando lugar a 3 proxectos de desenvolvemento rural.

Establecerase un novo esquema de gobernanza cos concellos, mediante fórmulas de cooperación para conseguir unha prestación de servizos máis eficientes e sustentables. Preténdese:

Mellorar os servizos públicos mediante a realización de programas conxuntos coas entidades locais.

Concederanse subvencións destinadas a financiar as infraestruturas de uso público en ámbitos urbanos e rurais (que consistirán na creación, adecuación ou rehabilitación de espazos e parques destinados á infancia, prazas públicas e paseos municipais), e subvencións para financiar obras e equipamento para a prestación de servizos municipais. Obras novas ou de mellora de edificios destinados á prestación de servizos municipais e ao equipamento do seu mobiliario.

Estas dúas liñas de axudas, mediante plans de desenvolvemento local, beneficiarán a 68 concellos, dando lugar a 16 parques infantís creados e/ou mellorados e a unha superficie de espazos públicos mellorados de 7.800 m²; tamén concederanse axudas para investimentos nas sedes dos consistorios locais beneficiando a 10 concellos, cunha superficie de espazos destinados á prestación de servizos locais mellorada de 2.000 m² e beneficiarase a 34 entidades locais mediante o fomento do asociacionismo veciñal e convenios coa organización colexial de funcionarios de habilitación nacional.

Realizaranse programas conxuntos con entidades, organizacións e asociacións no ámbito da Administración local: co obxectivo de apoiar aos concellos galegos no reforzo da seguridade cidadá, mediante axudas para a contratación de auxiliares de Policía local (cunha previsión de 42 concellos beneficiados).

Colaborarase coas administracións locais para unha mellor atención aos cidadáns mediante actuacións de apoio ás entidades locais e asociacións para unha mellor prestación de servizos; e mediante actuacións de implantación de procedementos telemáticos entre a Xunta de Galicia e os concellos, e nos concellos: xestión do Portal Eido Local, fomento e impulso das novas tecnoloxías, implantación de ferramentas de e-Administración nos concellos de Galicia, prevese para o ano 2012 a adquisición de equipamentos ofimáticos de implantación de Administración electrónica con 34 procedementos implantados entre a Xunta e os concellos e 100 procedementos implantados nos concellos e o desenvolvemento de 5 novas aplicacións.

No tocante á política de vivenda e de rehabilitación as actuacións van dirixidas ao fomento da rehabilitación de vivendas e edificios, fomento da rehabilitación en áreas de rehabilitación (ARIS), e a reforma de barrios e renovación urbana. O que se trata é de mellorar as condicións de vida dos propietarios e usuarios das vivendas, de xeito que se favoreza a consecución dunha perfecta habitabilidade nelas, ao mesmo tempo que se recupera o patrimonio residencial xa edificado, actuando con criterios de calidade e sustentabilidade.

A estes efectos establécense medidas de fomento e rehabilitación de vivendas individuais, de reparación do parque público de vivendas e de actuacións sobre ámbitos máis extensos coa declaración de Áreas de Rehabilitación Integral.

No que respecta ao fomento da rehabilitación de vivendas e edificios de vivendas

continuarase co programa de rehabilitación de núcleos rurais e cascos históricos coa previsión de 42 vivendas e locais rehabilitados e/ou en proceso de rehabilitación; concederanse axudas para a reparación de edificios de vivendas de protección pública con 111 expedientes tramitados que darán lugar a 666 vivendas e locais rehabilitados e/ou en proceso de rehabilitación; axudas do Plan Cuadrienal de Vivenda e Solo mediante financiamento estatal dando lugar a 800 vivendas e locais rehabilitados; axudas para a reparación de vivendas con 303 vivendas e locais reparados e/ou en proceso de reparación; axudas para a reparación de vivendas ás comunidades de propietarios con 50 novos expedientes tramitados; axudas para a rehabilitación de edificios singulares con 2 vivendas e edificios rehabilitados; liña de axudas Plan Cuadrienal a empresas privadas e conxuntos históricos con 15 vivendas e locais rehabilitados; axudas de rehabilitación e reconstrución de vivendas situadas no medio rural con 250 vivendas e locais rehabilitados; desenvolvemento do Programa Aluga mediante a concesión de axudas a propietarios e inquilinos, especialmente para sectores sociais máis desfavorecidos ou en risco de exclusión social con 55 novos expedientes tramitados e axudas para a rehabilitación de vivendas en conxuntos históricos con 230 vivendas e locais rehabilitados.

En canto ao fomento da rehabilitación en Áreas de Rehabilitación Integral (ARIS) continuarase coa liña de axudas do Plan Cuadrienal de Vivenda e Solo con financiamento autonómico, son axudas destinadas a familiares con ingresos medios e baixos, con 85 novos convenios e/ou acordos asinados e a concesión da liña de axudas estais "Área de Rehabilitación Integral Camiños de Santiago", o número de vivendas rehabilitadas en ARIS estímase en 573.

En canto a reforma de barrios e renovación urbana continuarase co investimento de reposición en infraestruturas e equipamento sociais en materia de vivenda e urbanismo con 3 vivendas e edificios rehabilitados.

III.4.3. OE 3: Eficiencia enerxética como fonte de riqueza e resposta aos desafíos do cambio climático

Para o ano 2020, a Unión Europea no seu conxunto formúlase un obxectivo en materia de clima e enerxía do "20/20/20", é dicir, 20% de redución de consumo de enerxía, 20% da enerxía consumida procedente de enerxías renovables, e 20% de redución nas emisións de gases de efecto invernadoiro, incluído un incremento de ata o 30% da redución de emisións se se deran as condicións para iso.

No caso de Galicia, o reto enerxético preséntase, á vez, como unha oportunidade de creación de industrias auxiliares e postos de traballo aproveitando as favorables condicións para a explotación de enerxía eólica, biomasa, solar ou mareomotriz.

Este obxectivo estratéxico representa o 8,2% do eixe 4, e o 0,4% sobre o total do PEG, cun importe de 35,2 millóns de euros, no que a medida de maior importe é a M02